

# رحلة الهبوط | الشيخ محمد خيرى اللقاء الاسبوعي

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له  
واشهد ان محمدا عبده ورسوله. وبعد - [00:00:00](#)

فطيب الله مسائكم وامركم بالبركات في هذه الليلة المباركة. اسأل الله سبحانه وتعالى ان يجعل هذه الليلة تكون مباركة علينا  
وعليكم. وان يشغلنا فيها بما يقرنا منه من رحمة الله بنا وبكم - [00:00:18](#)

بمثل هذه الاوقات ان الله سبحانه وتعالى يشغل العبد بما يقربه منه. يقول النبي صلى الله عليه وسلم ان من ورائكم ايام الصبر يعني  
قدامكم بيقول للصحابة قدامكم ايام الصبر - [00:00:40](#)

فيه الصبر فيهن كقبض على الجمر يعني زي واحد ماسك جمرة. عارفين الجمرة؟ يعني حاجة مشتتلة. حجارة كده من نار. هتدوب  
ما بيمسكها. الانسان بيعمل فيها ايه اما واحد يمسك الحاجة ديت يعمل فيها ايه؟ يرميها على طول صح؟ في حد يقدر يمسكها -

[00:01:01](#)

ما فيش حد يقدر يستحملها النبي صلى الله عليه وسلم بيقول لنا ان من ورائكم ايام الصبر. الصبر فيهن كقبض على الجمر للعامل فيها  
اجر خمسين. قالوا يا رسول الله اجر خمسين منهم - [00:01:24](#)

قال او خمسين منا؟ قال بل منكم وفي صحيح الجامع يقول ابن مسعود ان النبي صلى الله عليه وسلم قال ان من ورائكم زمان صبر  
للمتمسك فيه اجر خمسين شهيدا منكم. فنسأل الله سبحانه وتعالى ان يثبتنا واياكم - [00:01:39](#)

لان الصحابة كانوا يجدون معينا على الخيرات وعلى الطريق وهو محمد صلى الله عليه وسلم ولكن يأتي على الناس زمان لا يجدون  
من يعين تلك القلوب وهذه العقول على ما يحب علام الغيوب - [00:02:03](#)

فنسأل الله ان يصبرنا ويثبتنا واياكم على ما يحب الله سبحانه وتعالى ويرضى. لان احنا كل يوم بنشوف ناس بتسيب الطريق. كل  
يوم بنشوف ناس كان بيصلي وترك الصلاة وفي ناس تانية كانت محجبة وتركت الحجاب - [00:02:21](#)

خلاص هم يعني نسأل الله العفو والعافية كل يوم في ناس بتقع وكل يوم في ناس بتموت فانا يا ترى ايه اللي هيحصل لي يا ما هل  
هتبت لغاية ما اقابل ربنا - [00:02:37](#)

على ما يحب ويرضى ام ماذا افعل؟ نسأل الله السلامة مهم جدا ان احنا نعرف اللسان هو بيوقع ازاي والشيطان مداخل الشيطان ازاي؟  
اتكلمنا المرة اللي فاتت في الحوار اللي كان بجوار الشجرة - [00:02:52](#)

ازاي الشيطان استطاع بخبثه ومكره وحقده على آدم وعلى ذريته ان يوقع ادم عليه السلام فيما منعه الله سبحانه وتعالى وفيما  
حذره الله سبحانه وتعالى منه القصة من البداية اتكلمنا عنها - [00:03:07](#)

لكن نهاية القصة وصلت الى اهبطوا نسأل الله العفو والعافية. فاحنا النهاردة هنتكلم على رحلة الهبوط. رحلة ترك المكان لا المكان لان  
ادم ترك المكان ولكن هناك رحلة عودة وهو قد نجح فيها - [00:03:27](#)

عليه السلام. فهنا سننصح نحن ونعود الى موطننا. موطننا فيه الاولى ونسلم ولا لا؟ هنرجع تاني للموطن الاول اللي احنا كنا فيه  
سبحان الله سمك اه سلمون بتناقيه اه بعد ما يرتحل لازم يرجع تاني للموطن بتاعه - [00:03:47](#)

بيحن دايمنا ليه وهو راجع ممكن يفقده ناس منهم ناس ممكن تموت لكن اهم حاجة يرجع للموطن الاصلي القصة قصة ادم  
بتقول لنا ان كل يوم في رحلة كل يوم في رحلة هبوط - [00:04:09](#)

في ناس بتهبط كما هبط ادم من الجنة ووصلا الى الارض ادم كان عايش في نعيم لا يوصف وحواء كانت تحتويه وكانت معهم وكانوا عايشين عيشة الملوك رغدا. عيشة ملوك - [00:04:27](#)

لكن هناك كم من كان يراقبهم بحقد يراقب المشهد بحسد عجيب. وهو الشيطان الذي اقسم انه سيقعد للمسلمين وللبنى ادم على الصراط المستقيم لاقعدن لهم صراطك المستقيم سبحانه الله! كما قال محمد يجري من ابن ادم مجرى الدم. يعني معك ودرسك كويس قوي - [00:04:46](#)

اتى لادم بعد فترة وبعد ما ادم كانه نسي النهي وبدأ بقى ايه مسول لسيدنا ادم رغم ان ربنا قال له ايه؟ ان هو ده عدو لك ولزوجك لكن احيانا الشيطان يبسعى دائما مش احيانا يبسعى في التطبيع - [00:05:13](#)  
لازم يقنعك ان هو مش نافخ كير بيحاول يقنعك ان ان هو مش هيازيك ولزلك قلنا ان هو دخل على سيدنا ادم ولعب في المصطلحات وبدأ يحلف له ان الكلام اللي هو بيقوله ده الصح. فمرة يقول له - [00:05:35](#)  
آآ ويزكر لسيدنا ادم هل ادلك على شجرة الخلد وملك لا يبلى رغم ان دي ما كانتش شجرة الخلد ولا حاجة لكن قلنا المرة اللي فاتت ان الشيطان دائما بيلعب في المصطلحات - [00:05:55](#)

ويغير المصطلح ليه؟ عشاني ما يخلكش تاخذ صدمة. يقول لك النهاردة آآ انت هتقعدني مع المدير بتاعك وهتتكلموا وتتناقشوا ومش عارف في ايه. تيجي انت تقعد تلاقي اللبس حاجة صعبة خالص ومقفل عليه - [00:06:09](#)  
بهم ومش عارف ايه وكلام في غاية الهزار ومش اوي. حاجة صعبة خالص. تيجي تقول لك يا جماعة الكلام ده ما ينفعش. لا ده احنا في اجتماع عشان شغل فلانم يقول لك كلام بيبعدك عن مفهوم لازم يسكت واعظ الله سبحانه وتعالى في قلبك. فالشيطان ما قلوش الشجرة. قال له دا شجرة الخد - [00:06:26](#)

شجرة الخلد يغير الاسم لحاجة محببة للانسان واختار هذا الاسم وبعد كده لما اختار هذا الاسم بدأ يلعب لعبة خبيسة جدا كتير يعني بيضحك كان بيضحك عليه قوي في الموضوع ده - [00:06:47](#)  
ايه هو بقى بدأ يقول له ايه انت عارف يا ادم ما نهاكما ربكما عن هذه الشجرة الا ان تكون ملكين او تكون من الخالدين الكلام ده مهم اوي اوي يا جماعة - [00:07:06](#)

الشيطان عنده مراحل خبيسة جدا وخطوة خبيسة جدا الله سبحانه وتعالى لما نهى ادم عن اكل الشجرة هل الله سبحانه وتعالى نهاه حتى لا يكون ملك عشان ما يكونش ادم يرتقي لهذا الامر - [00:07:24](#)

لا لكن هو بدأ يضحك عليه. فكرة التطبيع اللي اتكلنا عليها والخداع يعني يسول ليه بقى ايه ده انت مش عاوز تكون ملأ انت مش عاوز تكون من الملائكة انت انت عارف يا ادم ليه ربنا حرماها عليك - [00:07:43](#)  
انت تعرف ان الملائكة دول يا ادم نعم ما بقوش ملايكة الا بعد ما اكلوا منها فيبدأ يشكك في الله سبحانه وتعالى رغم انه سبحانه وتعالى علمه وازيد له الملائكة لكن ضغط رهيب نفسي عليه - [00:08:01](#)

يقول له بقى خلي بالك ما نهاكما ربكما عن هذه الشجرة الا ان تكون ايه؟ ملكين. ربنا ما اوجبش عليك الحجاب الا عشان تدنك طول عمرك كده شكلك الجميل مش زاهر للناس. عشان طول عمرك ادنك معقدة. ويبقى زمايك العصاة بييجي لهم احلى - [00:08:19](#)  
عريس وبييجي لهم الناس كويه وكله واقف ويدنه يلعب في دماغها ويولع في قلبها فتبدأ ايه تاخذ حاجز نفسي مع كلام ربنا حاجز نفسي مع كلام اللي ايه؟ النبي صلى الله عليه وسلم - [00:08:39](#)

رغم ان الكلام ده اصلا ساقط منطقيا وعقلا ساقط منطقيا وعقلا. لان ما فيش انسان محترم عفيف له غيرة بيروح في يوم من الايام في شاب كده في جامعة كان يعني نوعا ما واخذ راحته خالص - [00:08:55](#)  
وبعيد شوية يعني فمرة بيقول لي انا عاوز اتجوز. فانا بمزح معه بقول له ده انت ما شاء الله عليك. هو في حد في الجامعة انت ما تعرفوش؟ فقال لي كلمة جميلة جدا - [00:09:17](#)

قال لي لا انا عاوز زوجة مش عاوز واحدة من من دول. انا عاوز واحدة اديها ضهري وتربي ولادي انا عاوز واحدة اديها ضهري وانا اونا

في امان بتربي ولادي. لكن دول لأ دول انا عارفهم كويس قوي. دول محطة في حياتي - [00:09:29](#)

ولذلك اسوأ شيه انك تكون محطة في محافل تكون يعني محطة في حياته في طريق الاخرين الباب ده مهم اوي اوي الباب ده مهم قوي اوعوا تكونوا فاكرين ان هم مش عارفين لا - [00:09:52](#)

واحد مرة ابتلي بشيه يعني فوقع في اشيء تقترب من الفاحشة فكان بيستشيرني قلت له خلاص ما دام انت متعلق طب ما تستخير وتتزوج قال لي لا يقول لي انا غلطت واستغفر الله ومش عارف ايه والكلام ده - [00:10:10](#)

لكن سبحان الله! الشيطان بقى ايه موصل له فكرة ايه لأ ما هي غلطت معي وما يؤمن يؤمني انها تفعل هذا مع غفري واخدين بال حضراتكم عشان كده ما ينفعش انت تكون في محطة لغيرك ولا انت تكوني محطة في حياة الاخرين - [00:10:28](#)

ما هو يا جماعة اللي نفسيها ترخص عندها ما تضايقش بقى ان غير لان غيرها ما غلاهاش يعني في واحد هو رخيص. هو رخص نفسه قوي ومتضايق قوي ان الناس ايه استغلوا هذا الايه؟ الرخص. طيب هو مين اللي رخص نفسه - [00:10:47](#)

انت ربنا غلاك جدا وانت ربنا غلاكي جدا جدا الحاجة دي اتباعت ببلاش طب ازا ما اروحش انا بقى اقول ايه الله المستعان هو ايه اللي حصل؟ لأ اللي حصل ان انا ما احترمتش - [00:11:06](#)

لحزات الضعف وما احترمتش آآ وما تعاملتش مع احيانا باباك يقول لك زاهر والدك يقول لك زاهر يا ابني عشان في امتحان وكده. فتيجي تتعامل مع المعلومة ديت ان هي مجرد تدخل في الحياة - [00:11:27](#)

حياة تفاجى ان الامتحان جه وهتعيد السنة. يجي واحد يقعد معك كده يقول لك للاسف الشديد انا اتعاملت مع كلام والدي تعامل سطحي جدا جدا جدا في اخت ربنا يحفزها ويهدينا ويهديها - [00:11:40](#)

كانت سافرت بلد من بلد ما المهم حصلت مشكلة كبيرة جدا في هذه البلد. المهم قصة كبيرة خلاصتها ان آآ ان هي خسرت حاجات كبيرة جدا في حياتها فكان من ضمن الحاجات في ثنانيا وهي بتتكلم وبتحكي الشكوى بتاعتها فبتقول كلمة جميلة قوي. بس كلمة الواحد وقف معها - [00:11:58](#)

بقول لها انت ايه اكرت حاجة حاسة انك ندمان عليها؟ وهي لا اخت بقى يعني ايه فاهمة الاستقامة قوي ولا درس علمي شرعي ولا بقى ايه فاهمة زي امهات المؤمنين - [00:12:22](#)

آآ انسانة عادية جدا يعني ربنا ايه يحفز جميع المسلمين فقالت لي كلمة مهمة قوي اصل اكبر شيه انا ندمانة عليه؟ ان انا ما احترمتش شرع ربنا ولا يعني ما احترمتيش شرع ربنا - [00:12:32](#)

قالت لي لما كنت اقرأ ووالدتي تقول لي ما ينفعش تسافري الا بمحرم وما ينفعش كزا وكزا وربنا قال كزا وكزا بتقول لي انا ما احترمتش الكلام ده وتجاهلت وتغافلت - [00:12:52](#)

فدفعت الفاتورة بتاعته بس للاسف دفعته بالغالي قوي واحدة عادية جدا والله يا جماعة نسأل الله ان يسترنا واياها في الدنيا والاخرة. آآ فهو احيانا الانسان اما بيقف ويبدأ يفوق كده يقول لك ياه - [00:13:07](#)

يا ريتني كنت فهمت من البداية. فيجي بعض البنات في الجامعة وآآ عموما يعني في الحياة عاوزه تعيش عيشة معينة كده. العيشة دي تسرح وتفتكر ان الناس ديت لا لا الشباب دول عارفين كويس قوي هم بيعملوا ايه - [00:13:24](#)

الشباب دول عارفين كويس قوي هو بيستسمر وبيستغل هذا الوقت في شيه ما لكن اما بيجي بقى في وقت الدقة ووقت الصح يعني عمال بيجي يختار لأ بيختار صح ولو اختار طبقا لقلبه - [00:13:43](#)

بيشغل عقله بعد الزواج على طول فنسأل الله سبحانه وتعالى ان يجعلنا واياكم جميعا من ممن يوفق في الاختيار ويسترنا واياكم. ادم عليه السلام الشيطان جا له من هذه الابواب - [00:13:57](#)

ان يخشله في من ضمن الاشياء ان يكرهه في شرع ربنا. تبغيط شرع ربنا له. عشان كده اوعى في يوم من الايام. واوعي في يوم من الايام تغلطي وتعافري وتقولي لا عادي لا. قولي عادي انا خلعت الحجاب ويا رب تب علي - [00:14:14](#)

يا رب ارشدنا للحق يا رب سامحني يا رب لا تقبضني على هذا الامر. يا رب انا مرعوب ان انا اموت على كده. لكن مش تخلعيه وتقولي

لأه وليه التضيق ده ولك - [00:14:33](#)

له كزا وله كزا وله كزا الباب ده خطير جدا. ليه؟ لان الاولاني ما زال هناك شعور بالخطأ الشعور ده لعل الله ينجيك به ويردك الى الخير مرة اخرى لكن الثاني ده فكرة ان هو بدأ يفضض شرع الله سبحانه وتعالى. ده الخطر - [00:14:44](#)

ان يبدأ يتضايق عشان كده لما الله سبحانه وتعالى قال لادم قال لابليس ما منعك الا تسجد اذ امرتك. قال انا خير منه خلقتني من نار وقته من طين. مش انا اللي اسجد - [00:15:06](#)

لم اكن ليسجد مش انا مش انا اللي اغطي شعري مش انا وانتم فاكريني انا ايه يعني انا مش من انا مش من منطقة شعبية. انا مش شكلي وحش عشان اغطيه. وده سبحان الله من بعض الحاجات اللي الشيطان سوى - [00:15:19](#)

للبعض ان كتير جدا من اللي مغطي شعره ولا مغطي وجهه ليه؟ لان مش معه فلوس مسلا ان هو يزين لا يا جماعة الناس ديت معه بس الناس دي اختارت ان هي تزين قلبها - [00:15:33](#)

احسن ما تزين حاجة تانية لان يا جماعة الحجاب من معانيه الجميلة قوي انك بتحجبي جمالك الظاهر لتظهري جمالك الباطن الحجاب ده انت بتقولي للناس كلها انا اجمل جمال انا مركزة فيه جمال العلاقة مع الله - [00:15:47](#)

ده الجمال الباقي اما الجمال الارضي هينتهي. انا ممكن اصحى من النوم الاقي نفسي على طول بيتصلى علي صلاة الفجر فممكن ما الحفش ممكن يوم فرحي اللي هو بقى كتير جدا من البنات يقول طب هكشف بس شعري في اليوم ده بس - [00:16:08](#)

يعني الرسالة اللي انت عاوزه توصليها ان يوم ما تفرحني يوم ما انا سأرفع شعارات ساغضبك يا رب. وساخالف ما امرتني به اليوم بقى اللي الناس بيقلوا عليه ليلة العمر ويوم العمر؟ اه - [00:16:28](#)

يوم فرحي يوم ان اعصيك. هو ده. انا هشكرك بقى على النعمة اللي فيه بنات كتير جدا ما خدوهاش ونفسهم في عريس انا هعصيك بقى في اليوم ده وهو دي طريقة شكري لك بقى - [00:16:46](#)

برضو هنقول دي كلها فواتير وهتدفع يا جماعة المعصية فاتورة ولازم تندفع الا لو فيها توبة حقيقية الكلام ده مهم قوي فبلاش ان الشيطان يضحك علينا ويزين لنا الحرام فهو يقول لك لأ هو ربنا مش نهاك عن دي الا عشان تكون ملكين. ربنا مش ما نهاك عن الربا

عشان الدنيا طول عمرك فقير. ربنا مش نهاك عن - [00:17:02](#)

انا مش عارف كزا الا عشان ودانه يسوق لك. وعلى فكرة قاسمها اني لكما لمن الناصحين اقسم بالله. ليه عشان لازم يصبغها برضو الصباغة اللي هي الصبغة الدينية يعني والله العظيم انا سألت الشيخ حمادة وقال لي كزا لازم يجيب لك برضه شيخ وكده وانا سألت

طنط وطنط قالت لي لا طالما - [00:17:33](#)

يا فلانة دي نيتك ان شاء الله هتعددي طنط ايه وبتاع ايه والكلام ده. وقاسمها اني لك ما لمن الناصحين. ما هو الطبيعي يقول لك انا نافخ كتير هو انت يعني اما جيت تقعد مع زميلك وقلت لهم انا مصدع ودماعي وجعاني وكده وبعدين راح مطلع لك حاجة كده ايه

متلغمة او بدون متلغمة المهم اي حاجة فيها لف او بدون - [00:17:54](#)

لف وقال لك ديت هتروكك. والله يا ابني انا بنصحك. والله لتفوق هو ده ناصح فيك ده مش ناصح لك هو الشيطان سبحان الله يفعل هذا يدخل الموضوع ويحلف دلوقتي بالرب اللي كان من شوية ما رضيش يسجد دي - [00:18:17](#)

لامره ولم يسمع ويطييعني. فلازم يقول لك انا فاعل خير. والله انا لا اريد جزاء ولا اريد شكور ولا عاوز اي حاجة زي قصة برصيصة العابد كده. برصيصة العابد ده كان راجل بيعبد ربنا عبادة ما حدش قادر عليها - [00:18:36](#)

والشياطين يقعدوا مع بعض والراجل ده كده يا جماعة ايه ايه الشغل العاليي ده الراجل ده حاجة كبيرة قوي كده وما شاء الله متألق فجه في يوم من الايام في واحد بقى متخصص ما هو كل شيطان كل انسان له برضه له الشياطين بتاعته - [00:18:53](#)

يعني طلبة العلم لهم برضو ايه؟ الشيطان اللي يقدر يخشه كل واحد ما هو الشياطين ديت نسأل الله العفو والعافية والوسوسة هو عنده خبرة عالية قوي عنده خبرة مع اللي عندهم قراءات والمعلمين والمعلمات واللي عندهم - [00:19:12](#)

ماديات وعنده خبرة في كل حد. المهم في واحد ده متخصص بقى مع مين مع العباد قال له سيبوه لي ده وبدأ مرسيسا ده كان له

مكان ببعبد ربنا فيه. زي كده ايه؟ مكان مرتفع مشروبة كده. غرفة كده فوق وشغال بعبادة بقى - [00:19:28](#)

جه الرجل الطيب ده ظاهرة وبدأ يديها عبادة جنب برصيصة. برصيصة كل ما يصلي وييجي يريح شوية يلاقي الثاني ده شغال يريح وده شغال. مرة في اثنين في ثلاثة في اربعة. الرجل شد انتباهه. ايه ده؟ فبرصيصة بيقول ايه ده - [00:19:47](#)

الراجل ده هو فيه كده؟ ده انا كنت فاكر انا النجم. انا اللي يعني النور الساطع في هذه الظلمات. ايه الرجل اللي سابقني ده ففي مرة في يوم من الايام بيتكلم معي وبيقول له ايه الجمال ده ده انت شكلك كبير اوي وانت مش عارف ايه وانت في آ ادعي لنا قال له انا ادعي لك انا ادعي لك ده انت وانت - [00:20:07](#)

انت او انت فالمهم كلمة يمين كلمة شمال المهم الشيطان ده قال له يبقى اللي هو كان في صورة راجل قال له انا هقول لك على هعلمك حاجة هعلمك اسم الله الاعزم - [00:20:27](#)

ده لو زكرته على اي انسان مريض يشفيه الله سبحانه وتعالى وبدأ يعمل ايه بقى بدأ يروح يأزي الشيطان ده يأزي اي انسان ويقولوا ايه الحق يا جماعة ده الرجل ده البنت دي تعبانة الولد ده تعبان ياخدوه على برصيصة برصيصة يقرأ الرقية بتاعته وفيها اسم الله الاعزم على طول يروح الشيطان ساكت الولد ايه - [00:20:40](#)

يكون ظاهرا بقى كويس جه الشيطان ضحك عليه عمل ايه جه ازي بنت من البنات وبعدين البنت دي جت وقالوا بقى ايه حاول بقدر الامكان يا برصيصة وفي بقى روايات في المسألة ديت هل اخواتها كانوا رايعين يجاهدوا وبعدين سابوها عندهم؟ ايا كان القصة المهم برصيص العابد - [00:21:01](#)

في النهاية قرب من البنت دي وقالوا له عايزينك بقى تهتم بها وتاخذ بالك منها وترعاها وحرام عليك والبنت ديت حالتها شديدة ويا اخي سبحان الله انت ما تعرفش ايه اللي يدخلك الجنة. ده فيه امرأة سقطت كلب ودخلت الجنة. ايه يا اخي فين العلم؟ فين الدين اللي في قلبك؟ فين اسر الطاعة؟ والراجل كلام - [00:21:29](#)

جميلة قوي ده يعني كلام والشيخ هو الشيطان يعظ فالراجل اقتنع وبدأ يجيب لها الاكل. وطبعا اخواتها كانوا مسافرين وبدأ يحط الاكل ايه لها قدام الباب ليه؟ لان بصيصة اخ ما بيتكلمش مع بنات وانتم عارفين طبعا مرسيسة ما ينفعش يتكلم مع اخت - [00:21:49](#)

فكان يسبب الاكل برة وبعدين ايه اللي هي تفتح الاكل وتفتح الباب وتاخذ الاكل في يوم اثنين ثلاثة اربعة جه الشيطان قال له ايه ايه يا اخي القلب القاسي ده؟ ما فيش مرة كده تسأل على البنية - [00:22:07](#)

عاملة ايه؟ اخبارك؟ طمنينا الاكل حلو. دسم. اه عاوزين نقل شوية نزود السلطة. قل اي حاجة يا اخي. بلاش بقى. وبعدين تاخذ فكرة تباعا اهل الاستقامة يقولوا بقى الاخوة اللي تبع برصيصة الشداد قوي كده. بلاش بقى تنفر كده - [00:22:21](#)

مرسيسي قال طبعا صحيح صح انا كده ممكن انفر عن دين الله بدأ يحط الاكل ازيكم اخباركم طمنونا عليكم وعاملين ايه وبتاع مرة في اثنين في ثلاثة يا اخي ما تحاول تقعد معها. يمكن عندها شوية اسئلة يمكن يمكن - [00:22:38](#)

مرة في اثنين مرة في اثنين خلاص انتم عارفين الزحليقة انتم عارفين يا جماعة في الملاهي يعني ما تروح الدريم بارك ولا تروح اي حاجة هي في حاجة اسمها الزحليقة كده صح؟ اركب الزحليقة اه انت بتتحكم وانت فوق - [00:22:56](#)

لكن اول ما بتسبب نفسك ايه اللي بيحصل على طول هيستنوك تحت خلاص هو ده اللي بيحصل برصيصة وقع وفعل الفاحشة مع هذه الفتاة جه الشيطان قال له لا لا لا انت كده كده كثير بقى. ايه اللي انت عملته ده - [00:23:12](#)

ايه ده اخ وبتاع وتعمل الحاجات دي لأ دي كده كثير كده حرام عليك كده مش عارف ايه طب اخواتها دلوقتي زمانهم جايبين اخواتها دلوقتي اللي كانوا مأمنينك عليها وقالوا لها خلي بالك منها ده تعبانة وانت ترعاها. يا اخي حرام عليك. لا حول ولا قوة الا بالله. ايه اللي انت عملته ده - [00:23:33](#)

طب هو برسيصة دلوقتي متورط؟ ده بيعمل ايه؟ يعمل ايه؟ يعمل ايه؟ الشيطان قال له بص ما لناش الا مخرج واحد يا اخي ايه هو المخرج الوحيد؟ قال له المخرج الوحيد - [00:23:53](#)

ان احنا هنعمل ايه؟ مش هنقول زنب يعني هنقول تصحيح اوضاع تصحيح اوضاع لكن هو مش زنب زنب يعني. طب قل لي توصيح طب هنصحح الوضع ده ازاى قال له انا هقول لك على حاجة هو زنب وتكون من بعده قوما صالحين عادي يعني نرمي اه يوسف في الجب نقتله وبعدين كده مش انت ناوي نية خيره؟ مش انت ناوي - [00:24:04](#)

بعد الفرحة تصلي ركعتين توبة خلاص ما تقلقيش. فاللي حصل قال له تقتلها تقتلها وخلاص ما هي بورنو وزنب ارتكاب الفاحشة والقتل مش بعاد عن بعض. يبقى خبطتين والموضوع بقى وربك غفور رحيم. ده اسمه في ستير. شف يا اخي وانت بتقول الستير - [00:24:28](#)

تحس ان قلبك كده يرفرف من الحب وفعلا قتلها برصيصة العابد قتلها من هنا وواحدة فينها خلاص جميل جم اخواتها ايه الاخبار؟ قال ده اختكم وكانت ست زي العسل وبنت ما شاء الله عليها وفي الاخر بس توفاه الله وانا دفنتها وبتاع - [00:24:46](#) جزاك الله خيرا وتعبناك وفعلا ما فيش زي برصيصة. يا اخي الواحد ما يآتمنش حد الا برصيصة ويجي الشيطان في رؤية الواحد منهم بيقول له اهو اختك اتقتلت بعد ما ارتكب معها الفاحشة - [00:25:13](#)

ودفنها في المكان اللي اياه ويجي للتاني وبعدين كل شوية يجي فواحد منهم قال يا جماعة انا بشوف رؤية غريبة. واحد بيقول له ايه؟ بتاعة برصيصة؟ قال له اه انت شفتها؟ قال له اه وحصل. راحوا ودفنوا ولقوها - [00:25:30](#) خدوا برصيصة وراحوا حطوه على علقوه على الصليب وصلبوه. جاله الشيطان بقى في الوقت ده وقال له ايه قال له بص بقى من الاخر يا نجم النجوم يا شمس الشمس. افهمني بقى عشان ايه اللعب بقى المكشوف - [00:25:42](#)

انا اللي وقعتك وجبتك هنا وما حدش هيطلعك منها الا انا احيانا بقى الضعف يبقى وصل درجة الحد الادنى وصل القاع قال له امرني عاوز ايه مني؟ قال له تكسر بالله وتسجد لي. كفر الشيخ كفر برصيصة بالله سبحانه وتعالى. فلما كفر الشيطان - [00:26:01](#) قال له ايه؟ لا بقى ما اشغلكش. انا ده كان هدفي مع السلامة بقى. وراحوا قاتلينه. فمات كافرا وفي مثله جاء ذكر الله سبحانه وتعالى وذكر المفسرون هذه القصة عند قوله تعالى كمثل الشيطان اذ قال للانسان اكفر فلما كفر - [00:26:23](#)

قال اني بريء منك وبريء دي فيها مد. هي تحس وهو يجري اني اخاف الله رب العالمين طب دي نستفيد منها ايه نستفيد منها حاجات كثيرة قوي. نستفيد منها انك مش احسن من برصيصة - [00:26:42](#) طب يعني ايه يعني ممكن تقع؟ اه ممكن ربنا يسبتنا واياك. بس اللي اهم انك تفهم كويس اوي القاعدة اللي بيشتغل عليها الشقاء ان هو بيقربك فلزام تحترم لحزات ضعفك كويس اوي اوي - [00:27:02](#)

وربنا بيقول ايه؟ فدلاهما بغرور جابهم لمس كتاف وقعهم ليه؟ لانك انت داخل الفتنة عقلك بيمحى بنار الشهوة. بتنسى خلاص ومهمة ابليس زي ما قلنا المرة اللي فاتت ان هو يمسكك - [00:27:17](#) سلك الكهرباء ويقول لك سلكك سر سعادتك. وعاملها بنارات في الشوارع وبتجي لك رسايل اس ام اس وحاجات كده ايه اشعارات سلكك سر سعد ايه سلكك دي بقى؟ خلحك للحجاب سر سعادتك. شربك للحاجات الغلط. امسك بس امسك. امسك الحاجة دي. هي دي حياتك كلها - [00:27:38](#)

سبحان الله وقع سيدنا ادم فلما ذاق الشجرة مجرد مذاق. وبدأت الصدمات بقى مقالات المعصية ملحقش يتمتع بيها وطبعا الرب جل وعلا لما نهى ادم عن الشجرة ما يقربش منها. ليه ما يقربش يا جماعة؟ لانك مش هتقدر تغمض عينيك. زي ما روتانا قالت - [00:28:00](#)

لانك انت استشعر كده يعني انت استشعر كده القصة انت قاعد جنب الشجرة وربنا قال لك ولا تقربا بس انت قربت. ايه اللي يحصل الله ده حلو قوي طب اسند ضهري على فكرة وربنا قال ما يعني انا مش هاكل يا جماعة بس بسند ضهري يعني - [00:28:27](#) تصدق يا اخي سبحان الله الشجرة بتاعتها عريضة والله سبحان الله يعني الشجرة الوحيدة اللي ريحك ضهري بسند ضهرك. الله الهوا روعة العصافير اللي على الشجرة دبت تحفة وبعدين تلاقيه هو قاعد كده ضهره خبط في الشجرة فنزلت ايه - [00:28:44](#) فنزلت سمرة فبص فيها كده قال لك الله ده جميلة قوي. ده لونها احمر فاقع وبعدين توجس كده جه يمد ايده استغفر الله لأ لأ مش

هينفع وبعدين بس هي جميلة طلع موبايل كده وحاولت تصور فيها - [00:29:03](#)

يروح ماسكها ياخذ سيلفي معها وهو بياخد سيلفي كده طب ما اخذ قطعة عشان اتصور السيلفي شوية في شوية نص كل الطاهر خلاص كلها عشان كده النبي صلى الله عليه وسلم قال الايه؟ في الفتنة عن الدجال مسلا فليناى عنه اللي يسمع عنه يبعد. لا تفتح -

[00:29:21](#)

والشيطان يقول لك تجي لك وانت قاعد بتقلد كده يقول لك ايه اضغط هنا والنهاردة بقى من غصب عنك في اعلانات اجباري نسأل

الله العفو والعافية فلما ذاق الشجرة فلما ذاق الشجر مجرد ما ذاق. ايه اللي حصل بقى؟ اول ما ذاق - [00:29:39](#)

اه حصلت المشاكل بقى نسأل الله العفو والعافية اول مشكلة حصلت يا ترى ايه المشاكل اللي حصلت؟ بدت لهما سوءاتهما بدت لهما

سوءاتهما بدت سبحان الله كيف كانت لقمة ده لقمة ظاهرة - [00:30:04](#)

اخفيت في الجوف فسرى مفعولها الى الظاهر. الثياب سقطت طب دي دي يعني لما ذاق مجرد ما ذاق ما اكلش بقى وبتاع لا مجرد ما

داق بدت له مساوئتهما زهرت العورات - [00:30:25](#)

العورات الحسية والهدف والمراد ان بدأت مآلات المعصية ودي من رحمة الرب جل وعلا يعني ايه من رحمة الرب؟ من رحمة ربنا من

رحمة ربنا ان يبغض لك المعصية في قلبك - [00:30:44](#)

وان يشعرك بالالم ليه؟ عشان تبهت في قلبك وتضعف عشان كده كشف الله ان العصاة اما بيكشفهم الستر رحمة والكشف احيانا

بيكون رحمة. ليه في ناس لا تستيقظ الا اذا كشف الله سترها - [00:31:01](#)

يبدأ يفوق ونقول لكل واحد اتكشف انك مش دي مش نهاية الموضوع ازا تبت الذي كشفك قادر على ان يحل الالسنة بالثناء على

ستره عليك واللي كشفك قادرا على ان يسترك ويجمل الالسنة. انها تثني عليك - [00:31:27](#)

فالذي كشف الفضيل بن عياض انه راجل قاطع طريق كان قادر بعد توبته ان يطلق الالسنة بالثناء عليه. كلنا بنسني النهاردة على

الفضائل. سبحان الله بدت له ما سواته وبعدين لما بدأت لهما العورات زهرت ايه اللي حصل - [00:31:53](#)

وظفقا يخصفان عليهما من ورق الجنة. يعني ايه يعني بدأوا يغطوا هذه العورات بالله عليكم من الذي امرهم بالستر في الوطء ده؟

مين اللي امرهم ان هم يستروا انفسهم ايوه ده شعور فطري يا جماعة - [00:32:17](#)

ولذلك كلما همت الفتاة بالانكشاف في الطرقات تعرف على طول ان هي الفكرة دلوقتي مش مع الشرع يا جماعة صراعنا مع كثير

ونقاشنا مع كثير من اهل البعد واهل الباطل نقاش معه - [00:32:39](#)

اولي مع الفطرة قبل ان يكون مع الوحي. صراع الغرب مع الفطرة قبل ان يكون مع الوحي صراع فطرة يعني في واحد كان في مؤتمر

في انجلترا قاعد فوق الجامعة وبيتكلم فيقول من ضمن الحاجات يعني وهو قاعد فيقول من جمال الاسلام يعني فعاوز يقول معنى

- [00:32:57](#)

فيقول احنا سبحان الله انا من مما افتخر به ان امي لم تكن لها صاحب الا ابي. لم تكن تعرف الا ابي صاحبة والمؤتمر انتهى

والمحاضرة انتهت فهو قاعد مع الشباب يعني - [00:33:20](#)

فتطرقوا للجملة ديت فواحد منهم بيقول له على فكرة هم مش شايفين ان دية حاجة يعني ايه الجامتهم يعني ده هم بيقلوا ايه يا

عم والدتك المعقدة دي عشان كده انت مهم قوي قبل ما تقول له الجملة دي انك تعدل فطرتة - [00:33:37](#)

يا جماعة بصوا الفترة دي عاملة زي الكوباية كده زي الانا. اما بيكون محطوط كويس انت سهل تحط فيه العصير. العصير ده النور.

الوحي. طب اما يكون مقلوب انت قاعد بقى تصب الوحي العصير خلاص هو قلب - [00:33:55](#)

هي واحدة شايقة ان عادي جدا كلما ازدادت انكشافا كلما ازدادت تألقا وان ده كده ايه سر سعادتها. سر السعادة. من ضمن الحاجات

الوحشة اوي ان هي خلت السعادة في انزار غيرها - [00:34:09](#)

والسعادة جواك مش براك ودي من اكثر الحاجات اللي بتخلي الانسان دايمًا عنده هشاشة نفسية بس عما يقف مع نفسه في سكون

الليل وفي هدوء مع نفسه كده هو حس بنقص حسد عجز - [00:34:23](#)

فعاوز يسد العجز ده ازاي؟ انه يجلب الانزار وان الناس تتني عليه. لكن لو هو شعبان من جوة خلاص عشان كده السعادة جواك مش من وراك. واي واحد السعادة بتاعته براه متعقد ومتوتر ومضغوط - [00:34:39](#)

وسيزل مضغوط لغاية ما تبقى السعادة جواه. زي واحد يا جماعة عنده الغنى بالمال وفيه واحد يعني اغتنى في كل شيه الا المال المعاني ديت سبحان الله بعضكم ممكن يستغرب منها. بس اللي يتأمل - [00:34:54](#)

فيدرك تماما ان دي سر حاجات كتير جدا. فطفقا ايه اللي خلاهم يعملوا كده؟ يا جماعة ان الستر ده الحياء ده آآ فطرة زي ما الغيرة فطرة. يعني ان الراجل يغير على زوجته - [00:35:15](#)

يا جماعة دي طبيعة الزكورة. يعني انت زكر اذا انت تغار لأ طب لو معنتش بتغير ما والله دي بقى حاجة تانية معرفش يعني ممكن تشوف بقى حد نفسك كده مع حد من التراس يسموك اسم بس هو من ناحية - [00:35:32](#)

نعيد عن الدين ان انت مفترض يبقى عندك غيرة. فالغيرة عند الرجل ولزلك كلما رفعت الغيرة لا تبس عن العفة النساء في هذا المكان يعني واحد يقول لك ايه الحياء في المكان ده مش موجود. الحياء في البيت ده مش موجود. على طول يبقى ما فيش غيرة في البيت ده. فكلما فقد رجال - [00:35:47](#)

ال بيت ورجال اسرة ولرجال مجتمع الغيرة فقدت نساء هذا المجتمع الحياء. دي حاجة ده كده تناسب ايه؟ لازم تناسب طردي. دي تترفع دي تترفع. دي تيجي دي تيجي. ودوروا عليها كده في المجتمعات اللي حواليكم. قعدت تقول لي بس يا - [00:36:11](#)

في حالة كده هو اللي الراجل بيغير جدا وبنته عاصية. طيب دي حالة استثناء لكن الاصل هذا هو الموجود وطفقا يقصفان عليهما من ورق الجنة. وناداهما ربهما الم انهكهما عن تلكما الشجرة يا - [00:36:31](#)

اه على النداء اللي يقطع القلب بقى نداء قلب المؤمن بيدوب فيه وهو بيتزكر بقى ايه اللي جابك هنا اصعب شيه على من ذاق حلاوة القرب ان يذوق مرارة البعد - [00:36:50](#)

بعد ما قرب وداق انت دوقتي ولزلك يا جماعة اللي بيرتكب الخطأ عمدا خاصة الخطأ المتعدي. يعني انا ممكن اعمل زنب بيني وبين نفسي واتوب وخلاص. لكن الزنوب المتعدية يعني يا جماعة مسلا سبحان الله ان الذين يحبون ان تشيع الفاحشة في الذين امنوا. ايه يا رب اللي لهم عذاب اليم في الدنيا والاخرة - [00:37:11](#)

اللي يبس ان الفاحشة تنتشر نسأل الله العفو والعافية. ربنا توعدوا وعد شديد جدا. ده مجرد ده الحب ان الذين يحبون ان تشيع الفاحشة في الذين امنوا. ايه يا رب اللي لهم عذاب اليم في الدنيا والاخرة - [00:37:28](#)

ويا سلام على بقى العزاب دي! العزاب ده يا جماعة من ضمنه عذاب القلب عذاب النفسية والله يعلم وانتم لا تعلمون. طب العزاب ده هيبقى هو ربنا بقى اللي يعلم وانتم لا تعلمون. فما بالك لو انت كنت سبب مش مجرد حب. ده ده اللي - [00:37:47](#)

حبه. يعني مسلا ايه ان في مقطع وحش قوي. في واحد حابب الحاجة دي. ان في بنات متبرجات. في واحد حابب كده. فما بالك انت تكوني واحدة منهم بقى. اذا كان اللي - [00:38:04](#)

ابن هياخد الايه المتوعد بالعذاب ده. فما بالك بقى اللي يكون هو نفسه سبب في الموضوع ده. ربنا يعافينا واياكم. ان شاء الله بازن الله كلكم لا تكونوا هكذا ولا يعني احد من ذويكم - [00:38:14](#)

وان كان حد كده نسأل الله سبحانه وتعالى ان يوفقه في توبة قبل الممات. والله يا جماعة الدنيا الموضوع مش مستاهل الموضوع مش سهل بص في ساعتك انت خلاص آآ نعد لهم عدا وقتك بينتهي - [00:38:30](#)

ساعتك خلاص انت عداه عمرك خلاص انت اقتربت. انت وبعدين كل شوية انت شايف ان في واحد جنبك بيتاخذ طب انت يعني كلما ازددت في العمر كلما ابتعدت عنه يبقى ده ينفع ده - [00:38:44](#)

فطفقا يخصفان عليهما من ورق الجنة وناداهما ربهما الم انهكهما عن تلكما الشجرة؟ عن ايه؟ عن هذه الشجرة صح عن هذه الشجرة ربنا بيقول لهم كده الم انهكم عن هذه الشجرة ولا تلكما - [00:39:01](#)

اه الكومة ديت للبعيد ولا للقريب للبعيد ياه انتم بعدتوا قوي انتم بعدتوا قوي حتى في الكلام بقى الكلام للبعيد ايه اللي جابك وايه اللي بعدك سبحان الله نسأل الله ان يثبتنا - [00:39:24](#)



والله من نعم الله اللي حصل ده. استشعروا كده لو كان ادم تخيلوا يعني عندما ذاق الشجرة لم يحدث شيء. بل انتقل لمكانة اعلى. كان وسق في مين اكثر كان وثق في كلام الله ولا في كلام الشيطان - [00:39:48](#)

كان وثق في كلام الشيطان وكانت فتنة اكثر. ولذلك قاعدة افحرها في قلبك واكتبها بماء العينين في قلبك من البلاء ان تعمل المعصية سم تتحسن دنياك ده بلاء كبير قوي - [00:40:11](#)

انك تدوس في المعصية تلاقي الدنيا بتتحسن اكثر ده حاجة صعبة خالص. تخلي الحجاب. تلاقي الدنيا بقت جميلة وشغل احلى وراتب اعلى. وسكن احلى وسفر اعلى خلي بالك انت عارفة في واحد - [00:40:31](#)

يريد واحد عاوز يوقع واحد بس عاوز يوقعه واقعة تجيبه يوقعه من آآ يطلعوا السلم ثلاث درجات سلم ولا يطلعوا عشر ادوار لو واحد عاوز يزق واحد ويوقعه وقعه من الدور الاول ولا الدور التاسع - [00:40:51](#)

عشان يحس بالالم هو استدراك كل عمال يغلط يطلع الدور اللي بعده الدور اللي بعده الدور اللي بعده انبسطت وانت فوق خالص اه تيجي بقى الحكاية من رحمة الله بك - [00:41:09](#)

انك اما تغلط يقدر عليك شيء يأتي بك ده من رحمته لك. ربنا بيقول لهم واقل لكما ان الشيطان لكما عدو مبين شوفوا يا جماعة فلما ذاق بدت الصدمات على طول بتيجي - [00:41:23](#)

عشان كده يا جماعة اسألوا كل اللي بيوقعوا في المشاكل عقوبات المعاصي واحد اما يجي انسان يشوف طبعا ابن القيم زكر من ضمن العقوبات ميت عقوبة انا مش هتكلم في العقوبات دية كلها انا هقول بس على حاجتين ثلاثة كده اربعة من اللي احنا - [00:41:42](#)

بنشوفها كتير في اللي حوالينا وفي انفسنا نسأل الله العفو والعافية واحد عزب لي اكتاب والخنقة ليه دايمًا مكتتب؟ دايمًا حاسس ان فيه خنقة ويحاول بقى كل شوية يعيش بالمسكن انزل قهوة اطلع رحلة طب مش عارف ايه حاول تفتح طب اتصور بصورة كويسة جمع شوية لايكات مش عارف ايه برضو ايه الحاجات - [00:42:00](#)

ديت عاملة زي زي المسمار اللي على الرأس. كل اما يوجع كل اما بيحس بالوجع يروح خابط خبطة كمان. يدخل اكثر. فيوجعه اكثر. فعزاب الاكتئاب والخنقة مريض الزايدة ما ينفعش تتعامل معه بالمسكن صح؟ لازم تفتح وتشيل - [00:42:24](#)

عزاب الحرمان من الشهوات يعني ايه الكلام ده الحرمان من الشهوات المباحة الانسان سبحان الله كلما من الله عليه بنعمة دايمًا هيبص لغيره. تلاقي دايمًا اللي معه عربية صغنة كده - [00:42:42](#)

اما بيشفو حد ماشي جنبه بعربية تانية خالص سي مية وتمانين ولا حاجة يروح باصص كده يقول لك ايه ومش قادر يجيبها بقى ولا قادر يقول لك ايه؟ هي دي الناس اللي عايشة. واحد جايب موبايل عادي يشوف واحد صاحبه جايبه له من المانيا يا سلام - [00:43:02](#)

المانيا بقى وهكزا فدايمًا في تحفيضات نفسي ما علينا في خسائر مادية في خسائر مادية. وطبعا انا ما بتكلمش ان الخسائر ديت ان انا لازم اشوفها. لا انت ممكن تبقى سعيد قوي ماديا - [00:43:17](#)

بس انت عارف اللي انا عارف ان انت عارف ان انت عارف ان قلبك مولع من جوة وفيه سكاكين بتقطع فيك في سكاكين بتقطع فيك ودي من الخسائر النفسية اللي بتحصل - [00:43:37](#)

تلاقي كتير جدا يبقي واقع في مشكلة ضخمة جدا. بقول لك انا خلاص بقيت حيوان ممسوخ ليه؟ لانه قاعد عمال يغزي الاكل الجسد وسايب روحه تصرخ فالنصية حولته اشبه لمريض نفسي - [00:43:49](#)

الشاب يقول لك ايه انا هسيب ليه يعني؟ هو ايه البديل يا شيخ؟ انت هتمسل انت هتمسل ان انت قاعد ضايع انت متعزب انت تعبان. انت جيت لي اكثر من مرة بتقول لي انا من جوة مولع. انا حاسس ان فيه نار قايدة في قلبي - [00:44:05](#)

ومش عارف ينام ولا عارف يصحى ولا عارف كزا ولا عارف كزا كان في شاب بيشرب خمرة ربنا يعافينا واياكم وبعدين بيسأل واحد من الشباب كده بيقول له بينصحه بيقول له بقى ما تسبب بقى الكلام العك اللي انت فيه ده - [00:44:19](#)

وخص الكلام كده بيقول له ايه؟ انا عاوز اسأل سؤال صحيح قال له هو انت بتنام ازاي فصاحبنا ده السؤال بالنسبة له عجيب. قال له

يعني ايه بينام ازاي قالوا لا جد الصراحة انت بتنام ازاي؟ قال له ما فيش يعني انا بحط راسي واقول ازكار ننام. قال له بتنام؟ قال له  
اه - [00:44:34](#)

قال له يا ربي نفسي في دي ياه نفسك في دي اه يقول له انا والله ما بعرف انام بسهولة انا ممكن اقعد بالتلات اربع ساعات والشريط  
الحياة قاعد رايح جاي عليا لازم اخذ حاجة عشان اهرب. مش عارف. سبحان الله - [00:44:50](#)

خساير مادية يحرم الرزق بالذنب يصيبه. عارفة يعني الاخت المتبرجة دي اللي هي المتبرجة دي مش شتيمة يا جماعة ده وصف. اما  
السماء ذات البروج يعني اللي زاهرة. فاللي رضيت ان مفاتها تكون زاهرة جسمها متبرجة - [00:45:09](#)

الاخت اللي قاعدة تكشف نفسها وبتتزين قوي دي. كم عريس كانت تتمناه كان جاي وامتنع بسبب الموضوع ده ازاي بصوا يا جماعة  
انا النهاردة لو انا شاب محترم بدور على واحدة محترمة جدا - [00:45:27](#)

وحدة تتقي الله واطمن ان هي تتقي الله علاقتها متصلة بالسماء وعاوز واحدة ولقيت واحدة قاعدة بتكلم الولاد بطريقة معينة  
ولابسة لبس كده حاجة صعبة خالص وماشية بطريقة معينة. انا هروح لدي - [00:45:45](#)

مش هروح لدي طب مين اللي هيروح لها؟ هيروح لها واحد شبهها بس عشان كده ناس كتير بنات كتير بيبقى فاكرين او هو الزوج ده  
يا جماعة من الذي يملك ويأتي به - [00:46:00](#)

مين اللي امن؟ لو الزوج ده رزق ولا ليس برزق؟ الزوج ده الزواج ده رزق ولا ليس برزق؟ رزق يعني من الذي يملك الرزق؟ الله  
صح؟ انت بتقول له ايه بقى؟ كانك بتقول له هأخذ الرزق ده بمعصيتك - [00:46:16](#)

طب ما النبي صلى الله عليه وسلم قال لنا ما عند الله لن يؤتى بمعصية الله ما هو انت هتأخده بالمعصية؟ اه انت هتأخذ اه بس  
هتأخده بايه بقى؟ هتأخذ ما كتبه الله لك. وهتدفع الفواتير برضه. يا جماعة ما تنسوش ان الحاجات دي لها فواتير وهتدفع هتدفع.  
فلما ذاق بدت - [00:46:31](#)

دي فاتورة الياه؟ الزوق خساير في نعم ربنا عليك كم نعمة في حياتك راحت بسبب حاجات التذوق دي نسأل الله العفو والعافية  
خسارتك في علاقتك بملك الملوك. يا جماعة احنا مش بنقول لك ان علاقتك بوزير هتضيع - [00:46:50](#)

علاقتك بعالم واحد يقول لك مش عاوز اعلم كذا سنة علاقتي مش عارف بفلان ما تضعش بابا ما تهتزش بالعالم بالشيخ بالدكتور  
زميلي في العمل مديري عشان ما تهتزش ويقول لك معرفة الناس كنوز - [00:47:08](#)

طيب معرفة اللي ايه هو انت اما تخسر علاقتك مع الله عادي عادي انك تخسر علاقتك مع الله كده بسهولة عندك ان هي ارخص علاقة  
ممكن في اي وقت تقول لا انا عندي استعداد اضيعها - [00:47:24](#)

وخساير بقى المعصية في الاخرة بقى وبتبدأ من اول والنازعات غرقا بدأت الصورة بصوت حشرجة ايه ده بقى خلاص الم الروح انت  
فاكر كده. يعني انت انت وانت ماشية كده بدون متزينة بزى امهات المؤمنين. وانت ماشية بزى ليس بزى الذي - [00:47:41](#)

يريد محمد وانت ماشي وانت قاعد اومال تكلم بنات وتطلق بصرك وتشرب حاجات لا يحبها الله ولا يرضاها. تتوقع لو ملك الموت  
جا لك دلوقتي هتكون ايه هتكون ممن والناشطات نشط ان روحك طالعة بنشيطة كده وانت وتأتي لك ملائكة يعني بيض الوجوه ولا  
هيجي لك حاجة تانية ربنا يعافينا - [00:48:03](#)

ايه اللي هيحصل؟ كل واحد بقى متوقع عارف ايه اللي هيحصل ان الشيطان لكما عدو مبین. ربنا قال كده لمين؟ لادم قال ربنا ظلمنا  
انفسنا. ياه ربنا ظلمنا انفسنا. وان لم تغفر لنا وترحمنا لنكونن من الخاسرين - [00:48:22](#)

جميل قوي يا جماعة ومن شابه اباه فما زلم. عادي كلنا بنغلط ولزلك ربنا سبحانه وتعالى ينادي يقول ايه؟ يا بني ادم يعني ايه بني  
ادم؟ والنبي صلى الله عليه وسلم يقول ايه؟ يا ابن ادم يعني ايه يا ابن ادم - [00:48:50](#)

يا ابن ادم يذكرك انك ابن ابيك الذي وقع وتاب فعادي انك تقع المشكلة مش في الوقعان يا جماعة كلنا بنقع ايا كان الوقع كبيرة  
متوسطة عميقة الكل بيقع. الفكرة انك تتلزز - [00:49:04](#)

في البئر الذي وقعت فيه. يعني عادي ان كله ينزل للبير ويقع. ده طبيعي جدا. والذي نفسي بيده لو لم تذنبوا لذهب الله بكم. ده محمد

بيقول لنا كده لو انتم مش غلطتوا ربنا يمشيكم - [00:49:23](#)

لو لم تذبوا لذهب الله بكم واتى باقوام يزنبون فيستغفرون فيغفر الله لهم. شفتهم المعنى فالطبيعي انك تقع ده طبيعي جدا انك تقع ولكن ماذا بعد ما تقع؟ ايه اللي بيحصل؟ - [00:49:38](#)

قالا ربنا ظلمنا قال مين اللي قال ادم وحواء بقى مش انت اللي قلت كلي لأ ما انت اللي قلتي برضو وانت اللي قلت طب انت اللي توب وانا قلت خلاص يا جماعة - [00:50:01](#)

المسئولية خلاص لازم تبقى ايه؟ فردية كلنا. كل واحد فرد يشيل قال ربنا ظلمنا انفسنا اوعى تسبح في الطين اوعى تسبح في الطين بعدما وقعت واحد وقع في الطين يقول لك بس جميل حمام السباحة ده ومكمل ينفع - [00:50:16](#)

شعور يا جماعة اما تقع ان لا ملجأ الا الله شعور ان لم يتمكن منك هتضيع مهم جدا انك تستحضر وتستثمر لحظات الافاقة لانك اول ما تقع بيبقى في ضعف نفسي. الشيطان بقى بيحي هنا عشان يستسمر الضعف ده - [00:50:35](#)

يجي يقول لك انت عملتها يا اخي ده انت حاجة صعبة خالص. طب انا الشيطان ليه تسمع كلامي وانت عارف ان انا كنت بوسوس لك الانسان في الوقت ده بيحتاج اي قدر من المناعة فتأتي بقى نصوص الرجاء ونصوص ان الله سبحانه وتعالى يقبله ولو اتى بقراب -

[00:50:55](#)

الارض خطايا. ليه؟ لانه ضعيف. لذلك اللي يقع لازم تدعنه جامد اوي لو هو يريد انه يقوم عشان يقول ظلمنا انفسنا الانسان بيحتاج انه يحاط بشيء امن بداية المناعة لان مرحلة نزع الشهوة من الانسان عاملة زي نزع كده الحاجة المدمن عليها. ما فيش تقلب للخروج

- [00:51:14](#)

فبيقول وان لم تغفر لنا وترحمنا لنكونن من الخاسرين قال اهبطوا بعضكم لبعض عدو. انزلوا ولكم في الارض مستقر ومتاع الى حين لكم فين في الارض؟ ياه شوفتوا يا جماعة - [00:51:38](#)

ايه اللي اترتب على الموضوع ده؟ اهبطوا. اهبطوا فين؟ احنا كنا في الجنة. الارض. هتروح فين يعني الواحد كان في الجنة ونزل الارض هتروح فين؟ تروح الفيرا تروح الساحل تروح مارينا. ايا كان هتروح فين؟ في الاخر اسمها الارض - [00:52:01](#)

وانت يا مسكين فواحد واحد يا جماعة اللي اتولد في الارض وعاش في الارض وهمومه في الارض هيكون طموحه الاماكن دي لكن اللي طموحه الجنة هو شايف ارض ايه الارض دي حاجة كده يعني اقل من جناح البعوضة كما قال النبي صلى الله عليه وسلم -

[00:52:17](#)

نهبط بعضكم لبعض عدو وفي ايات اخرى جميعا ياه يعني عشان تاخذ بالك ان ابليس نازل معك اللي خرجك من هناك اه سبحان الله الواحد عم يستحضر الكلام ده بيدأ بقى يفوق طب يا رب احنا هنعمل ايه - [00:52:36](#)

وهنكمل وربنا بيقول ايه؟ لكم في الارض مستقر ومتاع الى حين. انت رايح وراجع والله يا جماعة الاية دي لوحدها تخلي اي كل انسان يفوق. ليه؟ هو انت فاكدة انك مكملة ولا انت انت ناوية حاسة انك هتعيشي كم سنة - [00:52:53](#)

يعني دلوقتي انا خريجة جامعة لسة عندي ثلاثة وعشرين سنة ان شاء الله هتجوز على اربعة وعشرين آآ يعني بص انا هاخذ قرار بالحجاب اما اول ما ربنا يرزقني الابن الثاني. عشان بس اكون صادقة معك يعني - [00:53:08](#)

طيب وبقى قرار بقى انك تاخدي بالك من اخرتك وترجعى بقى تاخدي بالك من القرآن وتاخدي بالك من الاثار قبل الرحيل وانك تتركي حسنات وصدقات جارية ممكن اقول لك عن - [00:53:28](#)

بنتي الثانية تكون في جامعة اكون صادقة معك برضو وان شاء الله هبدأ بقى افكر بقى ارواح دار قرآن واطلع شنتط لرمضان اما اكون بقى ايه آآ الحمد لله بقيت تيتة بقى. ياه - [00:53:43](#)

والاخرت دي ممكن يوم الفرحة بتاعها او هي عندها خمسة وعشرين سنة نصلي عليها الجنازة طيب ايه اللي وقعها بقى اللي وقعها ان هي شايقة ومتاع الى حين مش واضح لها - [00:53:58](#)

لا يا جماعة يا جماعة فيه كماين على الطريق. انا بقول لك دلوقتي انت مسافر القاهرة مسافر مطروح مسافر الاسكندرية مسافر اي

حاجة. انا بقول لك الطريق متلغم كمان رادار ورخص وحاجات بقى ما لذة ايه ولم يتب. المهم كمان الطريق موت - [00:54:15](#)  
فانت داخل بخلفية ايه ان عادي فمأمن نفسك والله بطاقتي معايا الرخصة بتاعتي معايا ماشي على سرعة مية بلاش تمشي على مية  
وعشرين والدنيا تمام التمام العربية ما فيش الازاز مش متفيم عشان ما حدش يقول لي اي حاجة. مأمن شغلك ليه - [00:54:32](#)  
ان ممكن في اي وقت واحد لسه بيستلم الطريق بيقول بسم الله عدى الكارثة وقف واحد ثاني في نص الطريق واحد في نهاية الكارثة  
التانية واحد واحد واحد هو ده طريق الاخرة - [00:54:52](#)

كماين ده اللي هم عسكر الموت. عسكر الموت ينتزرونك بس انت في الكمين ممكن تقول له معلش يا فندم وبتاع ويعديك. عسكر  
الموت ما يعدكش يقول لك اقف؟ اه يلا - [00:55:06](#)

جايين نستلم روحك. طب انا اصل انا كنت وكنت ناوي اصل الموضوع اصل خلاص. رب ارجعون لعلي ياه انت لسه فاكر انك عاوز  
ترجع؟ طب ما احنا سبناك فترة كبيرة جدا. ما سبناك خمس سنين وعشر سنين وخمستاشر سنة وثلاثين سنة وسبيناك عشرين سنة -  
[00:55:19](#)

فرحلة الهبوط طيب ربنا هيقول لسيدنا ادم ايه ولزيرته ايه؟ عشان نحسن رحلة العودة من الحاجات الجميلة واختم بيها ان سيدنا  
ادم هبط من المكان الا المكانة خلاص وهو ترك المكان لا المكانة - [00:55:43](#)  
ما زال مكانته مكرم عند الله وكذلك انت فانت ابن ابيك حتى ربنا سبحانه وتعالى يقول كما اخرج ابويكم بيديك شدة الالتصاق به  
فانت راجع فرحلة العودة فاحنا دلوقتي راجعين فناويين نرجع على ايه وايه خطوات العودة وازاي نرجع ده بقى الدرس المرة القادمة  
ان شاء الله هيكون - [00:56:05](#)

رحلة العودة فبدأنا بحوار حول شجرة ثم رحلة الهبوط بازن الله نتكلم على رحلة الصعود والعودة والصعود لعل الله سبحانه وتعالى  
يحفظنا واياكم. اسأل الله ان يرزقني واياكم حسن العمل - [00:56:30](#)  
وحسن الخلق وحسن الختام زين الله اوقاتكم بالاعمال الصالحة. نسال الله ان يسدني واياكم لما فيه خير. جزاكم الله خيرا -  
[00:56:47](#)